

Служба мученице Елисавете Самосской (1860-1937)

(14 ноября н.ст.)

В Ё Ч Е Р

На Господи, возвах: стихирь, глас 4.

Яко древле Мариам пророчица,/ сквозе Чермное море прошедши,/ с
лики и тимпаны/ Бога прославляше,/ ныне страдалица Елисавета славная,/
пучину безбожных гонений преплывши/ и землю Русскую кровью
украшивши,/ Господу победную песнь воспевае:// славно бо прославися.

Яко пророчица Анна безплодная,/ моляшеся о даровании чада/ и
бысть Богом услышана,/ тако твоё воздыхание,/ мученице Елисавето
богоблаженная,/ Небес достигло есть,/ и дарова Господь Церкви Русстей
сыны и дщери,/ иже посреде гонений Христа исповедаша:// славно бо
прославися.

Яко сарептская вдовица,/ во дни отступления Израиля/ пророка
Божия Илию не боязненно прият,/ тако и ты, мученице Елисавето,/ в
годину гонений лютых на Церковь Русскую/ страдающим людем
послужь/ и гладныя напитая,/ не убоявшись прещений лукавых:// Темже ты
ныне достойно почитаем.

Яко древле Соломонья/ во утверждение веры во Израили/ чада своя
на смерть мученическую благословь,/ послежде и себе на страдания
предаде,/ тако и ты, мученице Елисавето,/ верныя люди во дни безбожия/
в вере и терпении укрепляющи,/ смерть за Христа прияла еси:// Темже ты
величаем.

Слава, глас 8:

Срадуются с нами мученичестии лица,/ девы, матери и преподобныя
жены,/ се бо врата Царствия Небеснаго отверзаются/ и мученица
Елисавета к престолу Божию восходит,/ прославляющи Отца, и Сына, и
Святаго Духа,// Троицу Единосущную и Нераздельную.

И ныне, Богородичен: Царь Небесный:

Вход. Прокимен дне. Чтения 3 мученическая.

1. Пророчества Исаина чтение.

Тако глаголет Господь: вси языцы собрашася вкупе, и соберутся князи от них. Кто возвестит сия в них? Или яже от начала, кто слышана сотворит вам? Да приведут свидетели своя и оправдятся, и да услышат, и да рекут истину. Будите Ми свидетели, и Аз Свидетель, глаголет Господь Бог, и отрок, егоже избрах, да познаете и веруете Ми, и разумеете, яко Аз есмь, прежде Мене не бысть ин бог и по Мне не будет. Аз есмь Бог и несть, разве Мене, спасаяй. Аз возвестих и спасох, уничижих и не бе в вас чуждий. Вы Мне свидетели, и Аз Господь Бог, и еще от начала Аз есмь, и несть от рук Моих избавляяй. Сотворю и кто отвратит то? Сие глаголет Господь Бог, избавляяй вас, Святой Израилев.

2. Премудрости Соломони чтение.

Праведных души в руке Божией, и не прикоснется их мука. Непщевани быша во очесех безумных умерти, и вменися озлобление исход их. И еже от нас шествие сокрушение, они же суть в мире. Ибо пред лицом человеческим, аще и муку примут, упование их безсмертия исполнено. И в мале наказани бывше, великими благодетельствовани будут: яко Бог искуси я, и обрете их достойны Себе. Яко злато в горниле искуси их: и яко всеплодие жертвенное прият я. И во время посещения их возсияют, и яко искры по стеблию потекут. Судят языком и обладают людьми, и воцарится Господь в них во веки. Надеющиеся Нань разумеют истину, и вернии в любви пребудут Ему. Яко благодать и милость в преподобных Его, и посещение во избранных Его.

3. Премудрости Соломони чтение.

Праведницы во веки живут, и в Господе мзда их, попечение их у Вышняго. Сего ради примут царствие благолепия, и венец доброты от руки Господни: зане десницею покрывает я, и мышцею защитит их. Приимет всеоружие рвение Свое, и вооружит тварь в месть врагом. Облечется в броня правды, и возложит шлем, суд нелицемерен. Приимет щит непобедимый, преподобие: поострит же напрасный гнев оружие: споборет же с Ним мир на безумных. Пойдут праволучныя стрелы молниины, и яко от благокругла лука облаков, на намерение полетят. И от каменометных ярости, исполнь падут грады. Вознегодует на них вода морская, реки же потопят я нагло. Сопротив станет им дух силы, и яко

вихор развеет их: и опустошит всю землю беззаконие, и злодейство превратит престолы сильных. Слышите убо царие и разумеите, навькните судии концев земли. Внушите держащие множества, и гордящиеся о народах язык. Яко дана есть от Господа держава вам, и сила от Вышняго.

На стихóвне стихíры, глас 2.

Егда́ на Цѣрковь Рýсскую/ востáша безбóжнии лю́дие,/ тогда́ вѣры правосла́вныя не отступíла есѝ/ и, ꙗ́коже дрѣвле миронóсицы,/ мужемúдренная Елисавето,/ не убоя́вшись стра́ха и прещѣния,/ Христú послѣдовала есѝ/ и вѣрность Емú соблюла́ есѝ.// Сего́ ра́ди ны́не в селѣнии́х ра́йских ликúеши.

Стих: Зане́ Тебе́ ра́ди умерщвля́емся весь день,// вмени́хомся, ꙗ́ко о́вцы заколѣния.

Егда́ срóдницы на́ши от Бо́га отступíша/ и святы́я за́поведи Его́ попра́ша,/ тогда́ гнев пра́ведный при́иде на зѣмлю на́шу,/ ты же, мучени́це Елисавето,/ со слезáми Христú вопи́яла есѝ:/ прости́, Го́споди, неразу́мныя и ожесточѣнныя се́рдцем,/ аз же на ра́ны за Тя гото́ва есмь,/ приими́ мя ꙗ́ко жѣртву, пожѣршуюся Тебе́.// Сего́ ра́ди ны́не в Небѣ́сных обите́лех прославля́еши.

Стих: Дѣ́вен Бог во святы́х Свои́х,// Бог Изра́илев.

Егда́ безбóжнии лю́дие/ востáша на Го́спода и на рабы́ Его́,/ тогда́ Цѣрковь Рýсская/ кро́вию мучени́ческою, ꙗ́ко багрянíцею, украси́ся,/ ты же, всехва́льная Елисавето,/ благочѣ́стием и любóвию утвержда́ема,/ страда́ний за Христа́ не убоя́ся/ и смѣртию твоёю воскресѣ́ние Его́ проповѣ́да.// Сего́ ра́ди в ли́це новомучени́ков Росси́йских прославля́еши.

Сла́ва, глас 5:

Вѣру, наде́жду и любóвь стяжа́вши,/ мучени́це Елисавето,/ премúдрая учени́ца Христóва яви́лася есѝ/ и в годину́ гонѣ́ний на Цѣрковь Рýсскую/ смерть мучени́ческую воспри́яла есѝ./ Сего́ ра́ди ны́не во Ца́рствии Бо́жии ликúеши/ и учи́ши нас тремѝ добродѣ́тельми// прославля́ти Триеди́наго Бо́га.

И ны́не, Богорóдичен, глас то́йже: Храм и Дверь есѝ:

Тропа́рь, глас 4:

**Благоче́стно в зако́не Госпо́дни пожи́вши,/ ве́ру Правосла́вную
сохрани́ла еси́/ и, терпе́нием гони́тели Це́ркве Ру́сския посрами́вши,/
смерть за Христа́ при́яла еси́,/ му́ченице сла́вная Елисавето,/
престо́лу Бо́жию предсто́ящи,// моли́ спасти́ся душа́м на́шим.**

НА УТРЕНИ

По стихослóвии седа́лен, глас 7:

Суе́ту мирску́ю презре́вши,/ украси́лася еси́ нетле́нием кро́ткаго и
молчали́ваго ду́ха/ и яви́ла еси́ ве́ру несумне́нную, упова́ние
непосра́мленное,/ любо́вь и́стинную, чи́стый страх Госпо́день,/ па́мять
сме́ртную и о Стра́шном Суде́ помышле́ние./ Те́мже в годи́ну гоне́ний на
Це́рковь Ру́сскую не поколеба́ся душа́ тво́я,/ му́ченице Христо́ва
Елисавето.

Сла́ва, и ны́не, Богоро́дичен:

Стена́ и покрóв еси́, Влады́чице,/ и ти́хое приста́нище всем в беда́х
су́щим,/ к Твоему́ заступле́нию ве́рою прите-ка́ющим./ Те́мже и мы
усе́рдно вопие́м Ти:/ соблюди́ Це́рковь Ру́сскую в Правосла́вии и
единомы́слии, Де́во Пречи́стая.

Велича́ние:

**Велича́ем тя,/ свята́я му́ченице Елисавето,/ и чтим честна́я
страда́ния тво́я,/ яже за Христа́// претерпе́ла еси́.**

Псалом избра́нный.

1-й лик: Бог нам Прибе́жище и Си́ла, Помо́щник в ско́рбех, обрётших
ны зело́.

2-й лик: Приве́дутся Царю́ де́вы, в весе́лии и ра́довании.

1-й лик: Испове́мся Тебе́ в лю́дех, Го́споди, пою́ Тебе́ во язы́цех.

По полиеле́и седа́лен, глас 8:

Богозва́нная му́ченице Елисавето,/ стра́ха муче́ния не убо́явшись,/ к
по́двигу за Христа́ му́жественне устреми́лася еси́/ и ду́шу твою́, я́ко
же́ртву, Жениху́ возлю́бленному в страда́ниях преда́ючи,/ за мучи́телей,

по за́поведи Его́, усер́дно моли́лася еси́:/ прости́ им, Го́споди,/ не ве́дят бо, что творя́т.

Сла́ва, и ны́не, Богоро́дичен:

Я́ко Де́ву и Еди́ну в жена́х,/ Тя безсе́менно ро́ждшую Бо́га плóтию,/ вси ублажа́ем, ро́ди челове́чести:/ Огнь бо всели́ся в Тя Божества́,/ и, я́ко Младенца́, пита́еши Зижди́теля и Го́спода./ Тем, а́нгельский собо́р и челове́ческий род,/ досто́йно сла́вим пресвято́е Рожде́ство Твое́/ и согла́сно вопи́ем Ти:/ моли́ Христа́ Бо́га прегреше́ний оставле́ние дарова́ти/ досто́йно пою́щим сла́ву Твою́.

Степе́нна, 1-й антифо́н 4-го гласа. **Прокі́мен, глас 4: Ді́вен Бог во святы́х Свои́х, // Бог Изра́илев.** Стих: В це́рквах благослови́те Бо́га, Го́спода от исто́чник Изра́илевых. Вся́кое дыха́ние: Ева́нгелие от Матфе́я, зача́ло 104.

По 50-м псалме́ стихи́ра, глас 6:

Я́ко му́драя де́ва,/ свети́льник душі́ твоея́ е́леем добродете́лей украси́вши,/ в срéтение Жениху́ твоему́, Елисавето сла́вная,/ ра́достне изшла́ еси́/ и бра́чнаго черто́га дости́гла еси́,/ воспева́ющи с му́дрыми де́вами:// сла́ва, Го́споди, неизрече́нному милосе́рдию Твоему́.

Кано́н, Глас 8.

Песнь 1

Ирмо́с: Пои́м Го́сподеви,/ провед́шему лю́ди Сво́я сквозе́ Чермное́ мо́ре, // я́ко еди́н сла́вно просла́вился.

Святая мученице Елисавето, моли Бога о нас.

Жену́ до́блю обрето́хом в земли́ на́шей,/ пра́ведным жити́ем и страда́ньми Бо́гу угоди́вшую,/ ю́же по досто́янию воспева́ем.

Е́леем благоче́стия се́рдце твоё испо́лнивши, му́ченице Елисавето,/ бу́рю безбо́жия во оте́честве на́шем во дни гоне́ний прешла́ еси́,/ Христу́ Подвигополо́жнику сла́ву возсыла́ющи.

Не убо́ялася еси́ враго́в Це́ркве Ру́сския, му́ченице Елисавето,/ и о пока́янии тех приле́жне моли́лася еси́,/ ве́ру в Бо́га твёрдо испове́дающи.

Богорóдичен: Богорóдицу Тя войстину исповéдуя,/ лик мýчениц во след Тебé, Дéво,/ со славою Христú приведéся.

Песнь 3

Ирмós: Ты еси́ Утверждéние/ притека́ющих к Тебé, Гóсподи,/ Ты еси́ Свет омрачénных// и поёт Тя дух мой.

Орúжием прáвды крéпость диáволю низложíла еси́/ и Цérкве Рýсския гонíтели безбóжныя победíла еси́,/ мýченице Христóва Елисавето.

Видяще тя Áнгелы на суди́щи беззакóннем, Христá исповéдающе,/ укрепля́ху во страдáниях/ и я́ко дóблюю мýченицу прославля́ху.

Егда́ нечестíвии клеветáху и рекóша на тя всяк зол глагóл,/ ты, мýченице всехвáльная, смиréнием Христóвым воору́жившись,/ блажéнства ева́нгельскаго испóлнилася еси́.

Богорóдичен: Богорóдице и Мáти Свéта,/ лик святýх новомýчениц, Тя возлюбíвый,/ воспева́ет в Цáрстве Сы́на Твоегó/ я́ко Честнéйшую Херувíм и сла́внейшую без сравнéния Серафíм.

Седáлен, глас 4:

Я́ко íстинная дщерь Цérкве Христóвы,/ Царю́ и Бóгу крéстным путём последовала еси́,/ Ё́же, благословíв тя на страдáния,/ крéпость и дерзновéние даровá/ и венцём побéдным увенчá,/ мýченице Елисавето доброслáвная.

Сла́ва, и ны́не, Богорóдичен:

Тя, Дéво, я́ко Мáтерь Бóжию,/ ли́цы мýченичестии велегласно прославля́ют,/ тéмже и мýченица Елисавето, во след Сы́на Твоегó последовавши,/ соглáсно ублажа́ет Тя, Пречíстая.

Песнь 4

Ирмós: Услы́шах, Гóсподи,/ смотре́ния Твоегó та́инство,/ разуме́х дела́ Твоя́// и прослáвих Твоé Божество́.

Любóвию Христóвою укрепля́ема, мýченице Елисавето,/ нéмощь естества́ жéнскаго превозмогла́ еси́/ и мýжественне на пóдвиги устремíлася еси́.

Исповѣдующи Бóга небоязненно,/ образ терпѣния вѣрным показáла есѝ/ и мучителей посрамѝла есѝ./ Тѣмже ты вси, слáвная, велича́ем.

Яко лáстовица доброгласная вѣснѹ предваряет,/ тако и ты, мученице Елисавето,/ возрождѣние Отѣчества и Цѣркве нáшея/ посреде́ гонѣний вѣрным лю́дем возвести́ла есѝ,/ терпели́вно мучѣния терпящи.

Богорóдичен: Яко до́брую и красную в жена́х/ вѣдят Тя, Дѣво, мученицы святы́я/ и мо́лятся о спасѣнии ду́ш нáших.

Песнь 5

Ирмо́с: Утреннююще, вопиѣм Ти:/ Го́споди, спасѝ ны,/ Ты бо есѝ Бог наш,// ра́зве Тебе́ ино́го не ве́мы.

Ве́ры светѣльник не угасѝвши,/ но́щь безбо́жия в землѝ нáшей претекла́ есѝ/ и нача́льников тьмы посрамѝла есѝ, мученице прехва́льная.

Еле́ем благоче́стия ду́шу твою́ напитáла есѝ богáтно, святáя Елисавето,/ и н́ыне пребывáеши в со́нме святы́х Цѣркве Рýсския.

Ра́довалася есѝ в темни́це, я́ко в черто́зе свѣтлем,/ мученице Елисавето благосла́вная, Хри́стом просвещáема,/ Ё́же есть Свет ми́ру, Живо́т и Воскресѣ́ние.

Богорóдичен: Влады́чицу Дѣву, Хри́ста неизрече́нно ро́ждшую,/ хри́столюби́выя жены́ ра́достно обстоя́ща, непреста́нно велича́ют.

Песнь 6

Ирмо́с: Ри́зу мне пода́ждь свѣ́тлу,/ оде́йся свѣ́том, я́ко ри́зою,// Многоми́лостиве Хри́сте Бо́же наш.

А́нгели святы́и удивля́хуся,/ ка́ко ча́шу страда́ний, от руки́ Хри́стовой приѣмши, мученице Елисавето честна́я,/ му́жески испи́ла есѝ.

Терпѣ́нием смире́нно укрепѝвшись,/ страда́ньми Хри́ста ра́ди нечестѝвыя победи́ла есѝ, мученице слáвная,/ и Цѣрковь Рýсскую возвесели́ла есѝ.

Возвесели́ Госпо́дь ду́шу твою́, мученице Елисавето,/ и в ри́зу спасѣ́ния облече́,/ истка́нную от мученических крове́й твои́х.

Богорóдичен: Хвалу́ Бо́гу принесём и Пречистую Богомáтерь восхва́лим,/ Ю́же ны́не новомученицы и испове́дницы с ли́ки а́нгельскими/ достодо́льно ублажа́ют.

Конда́к, глас 5:

Я́ко а́гница крóткая,/ воспитáнная на па́житех Цérкве Рýсския,/ страстотéрпице Христо́ва Елисавето,/ посреде́ лю́тых мучи́телей/ тёпле моли́лася еси́:/ Го́споди, прости́ им,// не ве́дят бо, что творя́т.

Йкос:

Мученице Елисавето благосла́вная,/ за́поведи Госпо́дни храня́щи,/ я́ко ма́слина плодови́та,/ в дому́ Цérкве Рýсския яви́ся/ и, многопло́дие добродéтелей страда́нием во́льным венча́вши,/ А́нгелы возве́сели, де́моны же посрами́./ Те́мже посреде́ лю́тых мучи́телей/ тёпле моли́лася еси́:/ Го́споди, прости́ им,/ не ве́дят бо, что творя́т.

Песнь 7

Ирмо́с: От Иуде́и доше́дше о́троцы,/ в Вавило́не иногда́,/ ве́рою Трóическою пла́мень пе́щный попра́ша, пою́ще:// отце́в Бо́же, благослове́н еси́.

Обо́лкшися в броню́ пра́вды и шлем упова́ния спасе́ния восприе́мши, мученице достохва́льная,/ щито́м ве́ры правосла́вныя разжже́нныя стрéлы лука́ваго угаси́ла еси́.

Я́ко огнём Божéственным, мученическими кровью́ тво́ими, мученице Елисавето,/ те́рния богоху́льная и плéвелы неве́рия в земли́ на́шей попали́ла еси́.

Согре́яся се́рдце твоё огнём Божéственным любве́,/ егда́ мучи́телие ведо́ша тя на смерть,/ ю́же му́жественне претерпева́ющи,/ благодарéние Бо́гу возсыла́ла еси́, мученице сла́вная.

Богорóдичен: Тя благослове́нную в жена́х,/ Арха́нгельским гла́сом велича́ем:/ ра́дуйся, Благода́тная, Госпо́дь с Тобо́ю.

Песнь 8

Ирмо́с: Царя́ Небе́снаго,/ Егóже пою́т во́и а́нгельстии,// хвали́те и превозно́сите во вся ве́ки.

Пещь ѡгненная не опали́ три ѡтроки в Вавилѡне иногда́,/ тако и тебѣ́,
мученице Елисавето,/ горни́ло испытаний не возмо́же поколебати́, в
терпѣнии пою́щую:/ превозно́сите Го́спода во ве́ки.

Агница нескве́рная, мученица Елисавето,/ я́ко же́ртва непоро́чная в
дар Бо́гу принесѣ́ся./ То́я моли́твами, Долготерпели́ве,/ сподо́би нас
превозно́сити Тя во ве́ки.

Страсте́й душевре́дных зной утоли́ моли́твами твои́ми, мученице
Елисавето,/ и серде́ца на́ша благопло́дна соде́лай,/ да с тобо́ю сподо́бимся
прославля́ти Го́спода во ве́ки.

Богоро́дичен: Многопе́тая Де́во,/ страда́льцев ра́досте и жен святы́х
благоле́пие,/ Тя поём, Ми́лостивая, во ве́ки.

Песнь 9

Ирмо́с: Тя Неискусобра́чную Ма́терь Бо́га Вы́шняго,/ Тя па́че ума́
ро́ждшую сло́вом вои́стинну Бо́га,/ Вы́шшую Пречи́стых сил//
немол́чными славословле́нии велича́ем.

Есте́ство немощно́е си́лою Бо́жиею укрепивши,/ к соверше́нным
подвиго́м устремі́лася еси́/ и мужему́дренне венѣц мученический
кровью́ твои́ми стяжа́ла еси́, Елисавето всечестна́я.

Ты, добропобѣ́дная мученице Елисавето, Крест Христо́в, я́ко
всеору́жие, восприѣ́мши,/ до́блественне страда́ния претерпе́ла еси́/ и
ко́знем диавольским противоста́ти возмогла́ еси́./ Те́мже ты вси по
достоя́нию велича́ем.

Я́ко мирно́сица, Христу́ послѣдовала еси́/ и страда́нием венѣц
побѣ́дный от Того́ прия́ла еси́./ Те́мже, дерзнове́ние ве́лие иму́щи,/ моли́
прі́сно о почита́ю-щих тя.

Богоро́дичен: Христо́вою любѡ́вию уязвля́емая жены́ муче́-ницы/ и
от Бо́га венча́вшаяся/ Тя, Всенепоро́чную и до́брую в жена́х,/ почита́ют
я́ко Цари́цу Всечестну́ю.

Свети́лен:

Мученица Тво́я, Го́споди, Елисавето,/ я́ко му́драя де́ва, свети́льник
души́ свое́я елеем украси́вши,/ во след Тебе́ устремі́ся/ и, Черто́га
Небе́снаго дости́гши,/ Све́та Невече́рняго лицезре́ти сподо́бися./ Ея́же

моли́твами, Светода́вче, и нас све́том Твои́м озари́/ и на путь и́стинный направи́.

Сла́ва, и ны́не, Богоро́дичен:

Всесвята́я Богоро́дице,/ святы́я жены́, иму́ща Тя́ я́ко Сокро́вище Пребога́тое,/ лику́ют со А́нгелы ра́достно/ и Бо́га Сло́ва, из Тебе́ Ро́ждшагося пло́тию за милосе́рдие мно́гое,/ сла́вят непреста́нно.

На хвали́тех стихы́ры, глас 1.

Небе́сных чино́в соприча́стница/ и земли́ Ру́сския кре́пкое предста́тельство,/ му́ченица Христо́ва Елисавето/ лику́ет ны́не в со́нме новому́чеников,/ воздая́ние ве́чное прие́мши,// и мо́лится о душа́х на́ших.

Небе́снаго Иерусали́ма избра́нница/ и Це́ркве Ру́сския до́брое украше́ние,/ кро́ткая страстоте́рпица Елисавето/ прославля́ет Бо́га во ве́ки,/ хвалу́ Тому́ при́сно возсыла́ющи,// и мо́лится о душа́х на́ших.

Небе́сныя сла́вы насле́дница/ и земли́ на́шея дивна́я похвала́,/ многострада́льная Елисавето,/ я́ко пра́ведница и му́ченица,/ мо́лит Человеколю́бца Бо́га// о спасе́нии душ на́ших.

Сла́ва, глас 6:

Му́ченице Христо́ва Елисавето,/ непоро́чным жити́ем и во́льным страда́нием/ Бо́гу угоди́вши,/ зе́млю на́шу во Правосла́вии утверди́ла еси́/ и, я́ко со́лнце, просвети́вшия/ во Ца́рствии Отца́ Небе́снаго,/ Це́рковь Ру́сскую возвесели́ла еси́,/ ны́не же со дерзнове́нием// мо́лишися о душа́х на́ших.

И ны́не, Богоро́дичен, глас тойже:

Возвели́чим вси Пренепоро́чную,/ Ма́терь Бо́га на́шего,/ Ю́же освяти́ Дух Святы́й,/ я́ко предста́тельство на́ше и спасе́ние/ и Святы́я Руси́ заступле́ние,/ к Не́йже ны́не прибега́ем/ и моли́тву возсыла́ем:// Пресвята́я Богоро́дице, спаси́ нас.

Славосло́вие вели́кое. И отпу́ст.

НА ЛИТУРГИИ

Блаже́нна от канона́, пе́снь 3-я и 6-я.

Прокімен, глас 6: Тебѣ ра́ди умерщвля́емся весь день, // вмени́хомся
я́ко о́вцы заколе́ния. Стих: О Бо́же похва́лимся весь день и о́ имени Тво́ем
испове́мыся во век.

Апо́стол к Корі́нфяном, зача́ло 181.

Аллилу́ия, глас 1: Терпя́ потерпе́х Го́спода, и внят ми. Стих: И услы́ша
моли́тву мою́.

Ева́нгелие от Ма́рка, зача́ло 21.

Прича́стен: Весели́тесь, пра́веднии, о Го́споде, и испове́дайте па́мять
Святы́ни Его́.

Моли́тва

О до́блественная страсотѣрпице Христо́ва Елисавето, земли́ на́шея
до́брое прозябе́ние, Це́ркве Ру́сския избра́нная дщи! Кто не удиви́тся си́ле
Бо́жией, в не́мощи тво́ей соверши́в-шейся? Ты бо, му́жески враги́
ви́димыя и неви́димыя низложи́вши, заточе́ния и мно́гия му́ки Христа́
ра́ди претерпе́ла еси́ и Ца́рствие Небе́сное насле́довала еси́. Те́мже ты, я́ко
благую́ и ве́рную рабу́ Госпо́дню, досто́йно почита́юще, приле́жно мо́лим:
моли́ о нас Всеще́драго Бо́га, да да́рует Це́ркви Росси́йстей благостоя́ние,
Оте́честву на́шему мир, лю́дем во благоче́стии преспе́яние, в ско́рбех
утеше́ние, в обстоя́ниих по́мощь и заступле́ние, да благода́тию Бо́жиею и
твои́м те́плым предста́тельством земно́е жи́тельство про́йдем и Ца́рствия
Небе́снаго дости́гнем, иде́же вку́пе с тобо́ю сподо́бимся прославля́ти
ди́внаго во святы́х Свои́х Бо́га на́шего, Отца́, и Сы́на, и Свята́го Ду́ха, во
ве́ки веко́в. Ами́нь.